

# এইচএসসিতে পাসের হার ৫ বছরে সর্বনিম্ন, জিপিএ ৫ অর্ধেকে

অনলাইন ডেস্ক



ফাইল ছবি : কালের কণ্ঠ

চলতি বছরের এইচএসসি ও সমমান পরীক্ষায় পাসের হার গত ৫ বছরের মধ্যে সর্বনিম্ন। ২০২৪ সালে গড় পাসের হার ছিল ৭৭ দশমিক ৭৮ শতাংশ; যেটা এবার কমে দাঁড়িয়েছে ৫৮.৮৩ শতাংশে। ২০২৪ সালে জিপিএ ৫ পেয়েছিল ১ লাখ ৪৫ হাজার ৯১১ জন শিক্ষার্থী। এ বছর সেই সংখ্যা ৭৬ হাজার ৮১৪ জন কমে দাঁড়িয়েছে ৬৯ হাজার ৯৭ জনে।

অর্থাৎ গত বছরের তুলনায় এবার জিপিএ ৫ প্রাপ্ত শিক্ষার্থীর সংখ্যা অর্ধেকেরও কম।

আজ বৃহস্পতিবার সকাল ১০টার দিকে দেশের ১১টি শিক্ষা বোর্ড একযোগে ফলাফল প্রকাশ করা হয়। বাংলাদেশ আন্তঃশিক্ষা বোর্ড সমন্বয় কমিটির চেয়ারম্যান অধ্যাপক খন্দোকার এহসানুল কবির এ ফল প্রকাশ করেন।

ফলাফলে দেখা যায় এবার ঢাকা বোর্ডে পাসের হার ৬৪.৬২ শতাংশ, রাজশাহী বোর্ডে পাসের হার ৫৯.৪০ শতাংশ, চট্টগ্রাম বোর্ডে পাসের হার ৫২.৫৭ শতাংশ, দিনাজপুর বোর্ডে পাসের হার ৫৭.৪৯ শতাংশ, ময়মনসিংহ বোর্ডে পাসের হার ৫১.৫৪ শতাংশ।

কুমিল্লা বোর্ডে পাসের হার ৪৮.৮৬ শতাংশ, জিপিএ ৫ পেয়েছেন ২ হাজার ৭০৭ জন। যশোর বোর্ডে পাসের হার ৫০.২০ শতাংশ; জিপিএ ৫ পেয়েছে ৫ হাজার ৯৯৫ জন। বরিশাল বোর্ডে পাসের হার ৬২.৫৭ শতাংশ, জিপিএ ৫ পেয়েছেন ১ হাজার ৬৭৪ জন। সিলেট বোর্ডে পাসের হার ৫১.৮৬ শতাংশ, জিপিএ ৫ পেয়েছেন ১ হাজার ৬০২ জন।

বাংলাদেশ মাদরাসা শিক্ষা বোর্ডে পাসের হার ৭৫.৬১ শতাংশ এবং কারিগরি শিক্ষা বোর্ডে ৬২.৬৭ শতাংশ। বিগত ৫ বছরের মধ্যে এবার পাসের হার সর্বনিম্ন। কমেছেন জিপিএ ৫ প্রাপ্তির সংখ্যাও। এবার ৩৪৫টি শিক্ষা প্রতিষ্ঠানের শতভাগ শিক্ষার্থী পাস করেছে, অন্যদিকে ২০২টি প্রতিষ্ঠানের একজন শিক্ষার্থীও পাস করতে পারেনি।

এবারের পাসের হার গত ৫ বছরের মধ্যে সর্বনিম্ন।

২০২০ সালে করোনাভাইরাসের সংক্রমণের মধ্যে সবাইকে ‘অটোপাস’ পাস করিয়ে দেওয়া হয়। ২০২১ সালের এইচএসসি পরীক্ষায় ৯টি সাধারণ বোর্ডে পাসের হার ছিল ৯৫ দশমিক ৫৭

শতাংশ। কারিগরি বোর্ডে পাসের হার ৯২ দশমিক ৮৫ শতাংশ।

মাদরাসা বোর্ডে পাসের হার ছিল ৯৫ দশমিক ৪৯ শতাংশ। ২০২২

সালে মাদরাসা ও কারিগরি শিক্ষা বোর্ডসহ সব বোর্ডের পরীক্ষার

গড় পাসের হার ৯৫ দশমিক ২৬ শতাংশ। ২০২৩ ও ২০২৪ সালে

সাধারণ ও মাদরাসা এবং কারিগরি বোর্ড মিলিয়ে ১১টি শিক্ষা

বোর্ডে পাসের গড় হার ছিল যথাক্রমে ৭৮ দশমিক ৬৪ এবং ৭৭

দশমিক ৭৮ শতাংশ।